

**Akinafarir Namba 2,  
Pol Tesalonikan Nguibamin  
Itir Sios Baghava an Osiri  
O  
2 Tesalonika  
Akar faragha zuim**

Gumazamizir Tesalonikan nguibar ekiamin itiba, me ti nighnizir aviribagh amua ghaze, bizir manamra Kraiss ua izamin dughiamin otivam. Marazi ghaze, Ekiam Izamin Dughiam otogha gifa. Kamaghin amizi, Pol ko Sailas ko Timoti Tesalonikabar nighniziba akirasa akinafarir kam osiri.

Pol kamaghin migei, dughiar kam tighar otivam. Gumazamiziba faragh Godin akaba batoghiva akirim God gasaragham. Eghti arazir kuram otogh gavgavighvira ikiam. Eghti gin Godin Araziba adoghodozir gumazir mam azenaram otogham, egh a Kraissin apanim damuam.

Pol gumazamizibav gia ghaze, me nighnizir gavgavimin tugh gavgavigh egh osimtiziba ater. Pol kamaghsua, me uarira uarir akurvaghshi pamtem ingar, mati a uabi a ko ingari darasi me ami mokin. Me ingangaribar amusi amirvaghan marki. Egh me igharazi darazir akurvaghshi amirvaghan marki.

**Ekiam Izamin Dughiam  
gin otogham**

*(Sapta 1--2)*

<sup>1</sup> Ki Pol, ko Sailas ko Timoti, e Tesalonikan itir sios bagha akinafarir kam osiri, me God en Afeziam ko Ekiam Krais Iesusin poroghav itir gu-mazamiziba.

<sup>2</sup> God en Afeziam ko Ekiam Krais Iesusin apangkuvim ia damightima, ia navir amirizim iki.

*Tesalonikaba osimtiziba ko mizazibar dughiamin tuivigha gavgafi*

<sup>3</sup> En adarasi, e zurara ian ziaba diponiva ia bagh God minabiva God ko mikimam. E fo, ian nighnizir gavgavim bar moghira gavgafi, ezi ia bar moghira vaghvaghera bar uarigh ifonge, ezi arazir kam ekiva ghuavira iti. Kamaghin bar derazi, e ia bagha God minabi. <sup>4</sup> Kamaghin amizi, e tintinibar Godin sios-bar ghuegha ian ziaba fe. E arazir kurar apaniba ia gamiba bar dar gun me mighiava, osimtiziba sara me migei. Egha e kamaghin migei, "Godin gu-mazamiziba me uan nighnizir gavgavimin tugha gavgavigha, osimtiziba ko mizaziba ateri."

*God arazir aghuimin e tuisisi*

<sup>5</sup> Ezi bizir ia bativir kaba, God kamaghin en aka, an arazir aghuim gamua egha en araziba tuisisi. Ia kamaghin ifonge, God Bizibagh Ativamin Dughiam otogham. Kamaghin, ia mizaziba isi. Eghti God suam, ia dera egh ia inigh dughiar

---

**1:1:** Ap 17:1, 1 Te 1:1    **1:1:** Aposel 17:1; 1 Tesalonika 1:1    **1:2:** Ro 1:7    **1:2:** Rom 1:7    **1:3:** 1 Te 1:2-3, 2 Te 2:13    **1:3:** 1 Tesalonika 1:2-3; 2 Tesalonika 2:13    **1:4:** 2 Ko 7:4, 7:14, 1 Te 2:19, MAA 1:9    **1:4:** 2 Korin 7:4; 7:14; 1 Tesalonika 2:19; Akar Mogomem 1:9    **1:5:** Fl 1:28    **1:5:** Filipai 1:28

kamın aven mangam. <sup>6</sup> Godın arazir aghuim a kamaghın damuam, gumazamizir osimtıziba ia garıziba, a ua men osimtıziba ikarvaghham. <sup>7</sup> Egh ian osimtızir datırighın ia ateriba God da gıvagh, avughsamim ia danıngıva uaghan e danıngam. Dughiar kamın Ekiam İesus uan enselin bar gavgavim itiba ko Godın Nguibam ategh azenara otogham, eghti e avughsam. An avir bar gavgavir mızariaba sara izam. <sup>8</sup> Egh God gıfozir puvatıziba ko en Ekiam İesusın Akar Aghuımın gın zuir puvatıziba, İesus ivezir kuram me ikarvaghham. <sup>9</sup> Kamaghın amir gumazamiziba ivezir kurar kam inigh; bar ikuvigh mamaghıra ikiam. Egh me Ekiamın saghon ikıva, uaghan an gavgavımın angazangarir ekiamın saghon ikiam. <sup>10</sup> Ezi Dughiar God atızim, Ekiam ua izıtıma an gumazamizir nıghnızir gavgavim an itiba, me an ziam fıva, zıar ekiam a danıng a bagh bar akuegham. İa Godın akar e ian tongın kunızim, ia nıghnızir gavgavim an iti. Kamaghın amızı, ia dughiar kamın uaghan me ko ikiam.

*Pol God ko mıkımtı a Tesalonikaba gavgavim me danıngam*

---

**1:6:** Ro 12:19, MAA 18:6-7      **1:6:** Rom 12:19; Akar Mogomem 18:6-7      **1:7:** Mt 25:31, 1 Te 3:13, 4:16      **1:7:** Matyu 25:31; 1 Tesalonika 3:13; 4:16      **1:8:** Sng 79:6, Ais 66:15, Jer 10:25, Ro 2:8, 1 Pi 4:17      **1:8:** Onger Akaba 79:6; Aisaia 66:15; Jeremaia 10:25; Rom 2:8; 1 Pita 4:17      **1:9:** Ais 2:10, 2:19-21, Fl 3:19, 2 Pi 3:7      **1:9:** Aisaia 2:10; 2:19-21; Filipai 3:19; 2 Pita 3:7      **1:10:** Sng 68:35, 89:7, Kl 3:4, 1 Te 3:13      **1:10:** Onger Akaba 68:35; 89:7; Kolosi 3:4; 1 Tesalonika 3:13

<sup>11</sup> Ezi e bizir kabagh nighnigha zurara ia bagha e uan God ko migei, eghti a ian akurvagh. E kamaghsua, a ia damuti arazir aghuir a damuasa ian diaziba, ia dar amuam. E a ko mikimtima, a gavgavim ia daningam. Eghti ia, arazir aghuir ia damuasa ifongeziba bar, ia dar amuam. Eghti Godin gavgavim ian nighnizir gavgavim damuti, an ekeveghti ia arazir aghuir aviribar amuam. <sup>12</sup> Ezi arazir kamın ia Ekiam Iesusin ziam fitima a uaghan ian ziaba fam. En God ko Ekiam Kraıs Iesus ian apangkuvigh egh bizir kabar amuti da guizbangin otivam.

## 2

### *Godin Araziba adoghodozir gumazim otogham*

<sup>1</sup> En adarasi, e bizitam ia mikimasa, en Ekiam Kraıs Iesus a uamategh izam, eghti e a ko uari akuvagh. E kamaghsua, ia bar deravira akar kam baragh. <sup>2</sup> Gumazir taba ti ia migia ghaze, Ekiam Izamin Dughiam otogha gifa. Gumazir mamın nighnizim ghaze, Godin Duam ti uan akar kam a ganingizi an an gun migei. O gumazir mam Godin akam akura akar kamın gun migei. O gumazir mam ghaze, e osirizir akınafarir mam, akar kam an iti. Ezi ia akar kam managh a baraki, ia zuamira digavir kuram damighiva

---

**1:11:** Kl 1:9, 1 Te 1:2-3

**1:11:** Kolosi 1:9; 1 Tesalonika 1:2-3

**1:12:** Ais 24:15, Mal 1:11, 1 Pi 1:7, 4:14

**1:12:** Aisaia 24:15;

Malakai 1:11; 1 Pita 1:7; 4:14

**2:1:** Mt 24:31, 1 Te 4:13-17

**2:1:**

Matyu 24:31; 1 Tesalonika 4:13-17

**2:2:** Mt 24:4, Ef 5:6, 1 Jo 4:1

**2:2:** Matyu 24:4; Efesus 5:6; 1 Jon 4:1

okam nighnighan marki. <sup>3</sup> Ia gumazitamin ganti a uan akatam o arazir an amitamin ia gifaran marki. Ia oragh! Dughiar kam puram otoghan kogham. Puvati. Faraghivira gumazir avirim Godin akaba batoghiva akirim ragh God gasaragham. Eghti Godin Araziba adoghodozir gumazir mam azenara otogham, gumazir kam God helin a gasighasigham. <sup>4</sup> Bizir gumazamiziba ziaba feba ko dar bora ghaze men godba o men aseba, a dar apanimin ikiam. Egh a uabira uan ziam fiva egh a bizir kaba bar da dikabiragham. Egh a Godin Dipenimin aven daperagh ikiva kamaghin mikimam, "Ki uabira God."

<sup>5</sup> Ia fo, ki ia ko itir dughiam, ki bizir kabar gun ia mikeme. Ia ti okinighnighiz, o? <sup>6</sup> Ia fo, bizir mam gumazir kamın tuavim apirima an azenaram otivan kogham. A gin God a bagha atizir dughiamra, an azenim giram. <sup>7</sup> Ia fo, datirighin Godin Araziba adoghodozir arazir kam averara ingari iti. A modogh averara iki mangiti, gumazir an tuavim apirizim, sivagh mangiti, an azenaram otogham. <sup>8</sup> Egh Godin Araziba adoghodozir gumazir kam dughiar kamın azenim giram. Eghti Ekiam Iesus uan akamin a giveragh a misueghtima an aremegham. Ekiam uan angazangarim ko gavgavir ekiam sara iziva, uan angazangarim ko gavgavir

---

**2:3:** Jo 17:12, 1 Ti 4:1, 1 Jo 2:18, 4:3, MAA 13:11-14    **2:3:** Jon 17:12; 1 Timoti 4:1; 1 Jon 2:18; 4:3; Akar Mogomem 13:11-14    **2:4:** Dan 7:25, 11:36, Ese 28:2, 1 Ko 8:5, MAA 13:6    **2:4:** Esekiel 28:2; Daniel 7:25; 11:36; 1 Korin 8:5; Akar Mogomem 13:6    **2:7:** 1 Jo 2:18, 4:3    **2:7:** 1 Jon 2:18; 4:3    **2:8:** Jop 4:9, Aisaia 11:4, Dan 7:10, Hi 10:27, MAA 19:15    **2:8:** Jop 4:9; Aisaia 11:4; Daniel 7:10; Hibru 10:27; Akar Mogomem 19:15

kamra a gumazir kam bar a gasighasigham. <sup>9</sup> Godin Araziba adoghodozir gumazir kam, a Satanin gavgavimın azenan otogham. Egh Satanin ifavarir arazimın, a digavir kuram gamir arazir avırıba ko arazarazir igharaziba ko mirakelin ifavarir igharagha garıba, dar amuam. <sup>10</sup> An arazir kurar avırir igharazıbar amu, ovevemın tuavimın gın zuir gumazıbagh ifaram. Me guızın akam gifongeghan aghua, ezi God men akuraghan kogham. Kamaghın amızı, gumazamızir kaba bar arıghiregham. <sup>11-12</sup> God kamaghsua, gumazamızir niğhnızir gavgavim guızın akamın itir puvatıgha arazir kurabagh amua bar akongezıba, me niğhnızir gavgavim akar ifavarimın ikıva, Godın kotın ıvezir kuram inıam. Kamaghın amızı, God men niğhnızıbagh amızı, me paza niğhnısi.

### *God ua ia inıasa ia mısefe*

<sup>13</sup> En darası, ia Ekıam bar ifongezıba, God faragha inızir gumazamızıbar tongın ikıasa ia mısefe. God uan Duamın gavgavimın ian navir averıamın ingarıma, ia a baghavıra itir gumazamızıba, egha ia guızın akam niğhnızir gavgavim an iti. Ezi tuavir kamın God ian akurvaghasa. Kamaghın amızı, e zurara God ia bagh a mınamam. <sup>14</sup> God kamaghsua, ia uan Ekıam Kraıs İesusın angazangarır ekıamın aven a ko ikıasa a ifonge.

---

**2:9:** Mt 24:24, Jo 8:41, Ef 2:2, MAA 13:11-13, 18:23, 19:20    **2:9:** Matyu 24:24; Jon 8:41; Efesus 2:2; Akar Mogomem 13:11-13; 18:23; 19:20    **2:10:** 2 Ko 2:15, 4:3    **2:10:** 2 Korin 2:15; 4:3    **2:11-12:** Matyu 24:5; 24:11; Rom 1:24; 1:32; 1 Timoti 4:1; 2 Timoti 4:4    **2:13:** Lu 1:75, Jo 15:16, Ef 1:4, 1 Te 4:7, 5:9, 2 Te 1:3    **2:13:** Luk 1:75; Jon 15:16; Efesus 1:4; 1 Tesalonika 4:7; 5:9; 2 Tesalonika 1:3

Egha a uan Akar Aghuir e ia mikemezir kamın ian dia. <sup>15</sup> Kamaghın amizi, en adarasi, ia bar tuivigh gavgafigh. Eghti Godın akar e ia mikemeziba, o akar ian sure damuasa osiriziba, ia dar gın mangi.

<sup>16</sup> E kamaghın God ko migia ghaze, en Ekiam Kraıs Iesus ko God en Afeziam bar e gifonge. Egha en apangkuvigha en navibagh amima, da deragh, mamaghıra ikiam. Egha en akurvazima en nıghnızir gavgavim ikiava God mızuai, eghti an arazir aghuimın e damuam. <sup>17</sup> Egh a gavgavim ian navibar anıng, ian akurvaghti ia arazir aghuiba bar, dar gın mangıva akar aghuibav kimam.

## **Teslonikaba gumazamizir ingangaribar amırazibar arazibar kirigh**

### **3**

*(Sapta 3)*

*Ia God ko mikımti, an en akuragham*

<sup>1</sup> En adarasi, en akar abuananam, a kamakın. Ia God ko mikımtıma, an en akuragham, eghti Ekiamın akam zuamıra nguibaba bar a dar mangıti gumazamiziba a inıva an gın mangi, nıghnızir gavgavim an ikiam, mati ia faragha

---

**2:15:** 1 Ko 11:2, 16:13, Fl 4:1, 2 Te 3:6    **2:15:** 1 Korin 11:2; 16:13; Filipai 4:1; 2 Tesalonika 3:6    **2:17:** 1 Ko 1:8, 1 Te 3:13, 1 Pi 5:10  
**2:17:** 1 Korin 1:8; 1 Tesalonika 3:13; 1 Pita 5:10    **3:1:** Ef 6:19, Kl 4:3, 1 Te 5:25    **3:1:** Efesus 6:19; Kolosi 4:3; 1 Tesalonika 5:25

a inizi mokin. <sup>2</sup> Ia God ko mikimtima a gumazir kurabar dafaribar e inigh, kar arazir kurabagh amir gumaziba. Ia fo, gumazamizir maba nighnizir gavgavim Ekiamin itir puvati.

<sup>3</sup> Ezi Ekiam guizin arazibagh ami, eghti ia bar nighnizir gavgavimra an iki. A gavgavim ia daningiva, ia geghuvti, Satan paza ia damighan kogham. <sup>4</sup> Ezi Ekiam e gamizima e bar deravira kamaghin fo, ia arazir e ia mikemeziba, bar dagh amuavira iti. Egh gin ia kamaghira damuam.

<sup>5</sup> E kamagsua, Ekiam ian faragh mangi, ian navibar amuti, ia fogh suam, God guizbangira ia gifonge. A ian navibar amuti, ia Kraisin arazimin gin mangiva osimtiziba ateriva tugh gavgavigham.

*Gumazamiziba bar, ingangaribar amu*

<sup>6</sup> En adarasi, en Ekiam Kraisi Iesusin ziamin e akar gavgavim migia kamaghin ia migei, en marazi pura amirvagha ikia, akar e ia ganingizimin gin zuir puvati. Ia vaghvagh men saghon iki. <sup>7</sup> Ia fo, ia en arazibar gin mangi. Dughiar e ia ko itiba, e pura apiaghav itir puvati. <sup>8</sup> E pura ian dafaribar daghetaba inizir puvati.

---

**3:2:** Ap 28:24, Ro 10:16, 15:31    **3:2:** Aposel 28:24; Rom 10:16; 15:31    **3:3:** Jo 17:15, 1 Ko 1:9, 1 Te 5:24, 2 Pi 2:9    **3:3:** Jon 17:15; 1 Korin 1:9; 1 Tesalonika 5:24; 2 Pita 2:9    **3:4:** 2 Ko 7:16, Ga 5:10, 1 Te 4:10    **3:4:** 2 Korin 7:16; Galesia 5:10; 1 Tesalonika 4:10    **3:6:** Mt 18:17, Ro 16:17, 1 Ko 5:11-13, 1 Te 3:11-14, 1 Ti 6:5, 2 Jo 10    **3:6:** Matyu 18:17; Rom 16:17; 1 Korin 5:11-13; 2 Tesalonika 3:11-14; 1 Timoti 6:5; 2 Jon 1:10    **3:7:** 1 Ko 4:16, Fl 3:17, 1 Te 1:6    **3:7:** 1 Korin 4:16; Filipai 3:17; 1 Tesalonika 1:6    **3:8:** 2 Ko 11:9, 1 Te 2:9    **3:8:** 2 Korin 11:9; 1 Tesalonika 2:9



E dagh ivesi. E kamaghsua, e osimtiziba ia darighan kogham. Kamaghin e puvira arueba ko dimagaribar ingari. <sup>9</sup> God ghaze, e dagheba bagh ian azangsightima, ia en akurvaghm. Ezi e ian azangsizir pu. E ghaze, e arazir aghuim ian akaghtima ia an gin mangam. Ezi kamaghin, e ian azangsizir puvati.

<sup>10</sup> Ia fo, dughiar e ia ko itibar, e akar gavgavim ia ganingi: gumamaziziba ingangaribar amuan aghuaghti, ia dagheba me daningan kogham.

<sup>11</sup> Ezi e datirighin orazi, ian marazi pura iti. Me ingangaritam gamir puvati. Me pura gumamazizir igharazibar biziba tintinibar dav gei. Kar men biziba puvati. <sup>12</sup> Ezi datirighin Ekiam Krais Iesusin ziamin e akar gavgavir kam kamaghin gumazir kabav gei, me bar deravira dapiaghiva, ingariva, me daghebar uarira uarir akurvagh.

<sup>13</sup> Ezi en adarasi, ia arazir aghuibar amuva dar amirvaghan marki.

<sup>14</sup> Eghti gumazitam o amizitam akar e akinafarir kam in osirizibar gin mangan koghtima, ia deraviram an gan. Ia kamaghin damuti, gumazir kam uan arazir kam gifoghiva aghumsigham, kamaghin ia an saghon iki.

<sup>15</sup> Ia apanimin min a ginighnighan marki, ia aveghbuamin min a damuva, egh arazir aghuibar amusi an sure damu.

**3:9:** 1 Ko 9:4-6, 1 Te 1:6      **3:9:** 1 Korin 9:4-6; 1 Tesalonika 1:6

**3:10:** 1 Te 4:11      **3:10:** 1 Tesalonika 4:11      **3:11:** 1 Ti 5:13, 1 Pi 4:15      **3:11:** 1 Timoti 5:13; 1 Pita 4:15      **3:12:** 1 Te 4:11      **3:12:** 1 Tesalonika 4:11      **3:13:** Ga 6:9      **3:13:** Galesia 6:9      **3:14:** 1 Ko 5:9-11      **3:14:** 1 Korin 5:9-11      **3:15:** 1 Te 5:14, Ta 3:10      **3:15:** 1 Tesalonika 5:14; Taitus 3:10

*Pol uan akar abuananam me ganidi*

<sup>16</sup> Ekiam a navir amirizimîn mingarim, a zurara ia damutî ia navir amirizimîn biziba bar dar ikiam. Ekiam bar moghîra ia ko ikiam.

<sup>17</sup> Ki Pol, ki uan dafarimîn osira ghaze, Afeziam ia ko iki. Nan akinafariba bar, osizirir abuananam ki zurara uan ziam kamaghîn an osiri. Kar ki kamaghîn osiri.

<sup>18</sup> En Ekiam Krais Iesusin apangkuvim bar moghîra ia ko ikiam.

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea